

I. N. S. S. T.

25

DISPUTATIO MEDICA,
DE
DIARRHOEA,

QVAM
ASPIRANTE BENIGNISSIMA DIVINI
NUMINIS GRATIA, AUTHORITATE ET IN-
DULTU INCLYTÆ FACULTATIS MEDI-
CÆ IN FLORENTISSIMA
HIERANA,


SUB
PRÆSIDIO
VIRI NOBILISSIMI, EXCELLENTISSIMI
ATQVE EXPERIENTISSIMI

DN. JUSTI VESTI,

Med. Doct. Botanic. Profess. Publici, Pra-
cticiq; celeberrimi,

Dn. Præceptoris & Patroni æternum venerandi,
Publicæ Philiatorum disquisitioni submittit

AUCTOR & RESPONDENS

GOTHOFREDUS 

GOTHANUS,

IN AUDITORIO MEDICORUM

ad diem 3. Aprilis
horis consuetis.

ERFURTI, Literis HERTZIANIS,
Anno M, DC, LXXXII

VIRIS
NOBILISSIMIS, AMPLISSIMIS, CON-
SULTISSIMIS AC PRUDENTISSIMIS
DOMINIS
DNN. CONSUL-
BUS, TOTIQUE INCLYTÆ
GOTHANÆ REIPUBLICÆ ORDINI
SENATORIO SPECTABILI

PATRIÆ PATRIBUS

DNN. PATRONIS, FAUTORIBUS AC
PROMOTORIBUS SUI MAXIME VENE-
RANDIS AC SUSPICIENDIS,

Hanc disputationem medicam in debitæ gratitudinis
indiciū suorumq; studiorum ulterio-
rem commendationem.


Summâ animi submissione
consecrare voluit.

AUCT. & RESP.

Q. D. B. V.

PRÆLOQVIUM.

Commune est proverbium,
Deum & naturam nihil facere fru-
strà. Multa interdum natura nostra
contraria obviam veniunt, qua, licet
in conspectu nostro videantur quasi adversa, att-
amen in eventu seu exitu sunt salutaria: Id accidit
& in nostro affectu, à quo nullus sexus, nulla etas
immunis manet, praesertim si diarrhœa criticè ac-
cidat. Exemplo nobis erunt infantes, quando ni-
mirum eorum dentes prorumpere solent, sæpissimè
corripiuntur Diarrhœa, quod tamen criticè ipsis
evenit: Quoniam plerumq; vel semper pertingit
ad eorum salutem. Quà de causâ quædam de hac
nostrâ supra memoratâ materiâ in medium produ-
cere nobis placuit: faveat ergò nobis summus Ar-
chiater, ut omnia cedant ad optatum finem, no-
minis sui gloriam, proximi commodum ac emo-
lumentum.



Thesis I.

§. 1.



Affectus nostri, quem pertractaturi sumus, Diarrhœam nempè, operæ precium erit, ut Etymologiam prius examine-
mus, originem scilicet seu derivationem huius vocabuli : derivatur autem Græcis ἀπὸ τοῦ δια καὶ ῥέειν à perfluendo : quasi humores maligni beneficio intestinorum per alvum effluant & quidem sine inflammatione aut exulceratione quâdam : sed quatenus natura interdum sollicita excernit id, quod sibi est molestum.

§. 2. In ordine sequitur Homonymia : sumitur Diarrhœa vel latè vel strictè : LATè pro quovis alvi fluxu, v. g. dyssenteria, lienteria &c. nostroq; symptomate. STRICTè verò accipitur pro quovis solummodo intestinorum profluvio stercoreo, diversis humoribus pravis atq; excrementitiis simul intermixtis : sive fluxus hic sit criticus seu in symptomaticum degeneret. Et in hoc sensu à nobis accipitur vox Diarrhœa.

§. 3. Non prætereunda est Synonymia : affectus nostri apud Auctores multa prostant vocabula, ab aliis vocatur profluvium, Cornelio Celso l. 4. c. 19. dicitur fluxus ventris, ab aliis solutio alvi, vel alvus liquida, vel ventris turbatio, τῆς κοιλίας παραχῆ, uti Hipp. s. 1. aph. 2. refert : Dejectio vel excretio, à Germanis verò der Durchfall / der Bauchfluß / das Durchlauffen.

Thes. II.

§. 1. Præmissis his transgredimur nunc ad realem definitionem, quæ hæc est:

Diarrhœa est frequens & liquida fœcum alvinarum humorumq; vitiosorum tum quantitate, tum qualitate peccantium per alvum copiosa dejectio à spiritu intestinorum insito irritato continuoq; stimulado, dependens, sine tamen intestinorum vulneratione, exulceratione atq; excoriatione.

§. 2. Generis loco ponimus *frequentem alvi dejectionem*, rectè proinde ad symptomata & quidem partim ad auctas, partim ad depravatas actiones referri potest, sive pauca, sive copiosa excernatur materia. Non enim denotat affectus noster diarrhœam malignam seu morbum quendam epidemicum, sed quatenus natura hominis interdum spontè nec coactè sed *ἀπορροήτως* uti Hipp. loquitur vid. aph. suprâ citatus, sese expurgat, licet sæpissimè in symptomaticam abeat. Hinc Celsus non immeritò monet lib. 4. c. 19. Diarrhœas licet perdurent ad septimum usq; diem, esse salutare, [si febris absit] & post hanc quiescant.

Thes. III.

§. 1. Subjectum ejus primarium seu adæquatum sunt intestina tam tenuia quam crassa. Secundarium verò ventriculus ac qualibet corporis humani pars, in quâ humores justò acriores elaborantur vel excrementitij stagnant, qui sæpissimè ab archæo nostro resoluti, transmittuntur ad intestina, ut hoc modo cum fœcibus alvinis evacuentur.

Ventriculus enim alimenta non ritè fermentata & probè digesta transmittit ad intestina, quæ crudiora ulteriori in intestinis alterationi resistunt atq; chylicationem perturbant, cum manifesta intestinorum Arrhœi irritatione, unde pressò pede lublequitur diarrhœa, vid. Joh. Matth. Gradius, qui ventriculum & intestina simul in culpa habet.

§. 2. Experientia etiam testatur hinc inde in diversis corporis partibus humores nonnunquam excrementitios hære, qui à naturâ [sive ut recentiores loqui amant ab archæo] resoluti atq; ad intestina ablegati, excitant diarrhœam criticam, morbumq; simul solvunt. Tale quid observavit Cl. Dn. Præses ante biennium Hildesæ in muliere hydropicâ. Hic sæpissimè contingit, ut nudis pedibus in pavimento, nimirum tempore brumali, deambulantes, in diarrhœam incidant cum ingentibus abdominis terminibus: quoniam aëris frigidioris antiperistasis poros occludit, ut sudor erumpere, sanguinisq; excrementa fuliginosa transpirare nequeant, sed spiritus pedum insitus robustus hæc ad interiora repellit. Sudor enim pedum reliquaq; sanguinis excrementa, semel à massa sanguineâ sequestrata atq; è vitalitate elapsa, maximas nobis creant molestias, nisi maturè ex corpore eliminentur.

Thes. IV.

§. 1. Causa ejus proxima & immediata sat luculenter patet in definitione, nempe Archæus seu Spiritus intestinorum insitus irritatus ab humoribus acris, sylvestribus, biliosis, acidis ac peregrinis in intestinis vel quantitate vel qualitate peccantibus vitiosisq; effervescentibus, atq; spiritum intestinorum insitum præter naturam stimulantibus.

§. 2. Causæ mediata propinquiore sunt humores omnis generis vitiosi non solum in intestinis jam tùm existentes,

stentes, verum etiam in sanguine & cœteris corporis partibus
cumulati: Potissimum verò ansam præbent affectui nostro,
biliosi, serosi, lymphatici, acidi atq; mucosi, qui ad intestina
delati cum scybalis simul evacuantur.

§. 3. Chymicorum antesignanus Paracellus refert
morbum hunc ad Sal resolutum, quod malam digestionem
non solum in ventriculo, verum etiam in intestinis causatur
& postmodum acrimoniam vitiosorum humorum continet
at atq; conservat ad perpetuum usq; stimulum.

§. 4. Helmontius tractatu Pylorus rector §. 18. sta-
ruit: Pylorum esse directorem totius œconomix stomachi-
cæ, si verò non plenarius sit consensus pylori cum felle, o-
riri ex his omnis generis tormina & diarrhœas: Dissensus
autem fit, quando bilis præternaturalis ingruit, vitiosèq; cum
succo pancreatico itidem acriore effervesceit (vid. cap. 13.
lib. 1. praxeos Sylvianæ) & sic per consequens pylorum furi-
bundum reddit, hinc fiunt atrocissima exorbitantiæ usq; in
ultimum intestinorum gyrum.

§. 5. Pituitosi ac mucosi sæpissimè humores trans-
eunt in diarrhœam, qui aliàs intestinorum parietibus interiori-
bus agglutinati sunt, ut eadem partim defendant ab acrium
humorum injuriâ, partim fœcibus alvinis vias lubricitent,
tractu tamen temporis in diarrhœam nimirum diuturniore
excluduntur cum excrementitiis humoribus fœcibus inter-
mixtis: Imò tandem pinguedinis aliquid intestinalis cum
maximò patientis detrimento excernitur, id quod subintel-
ligendum de fluxu alvi symptomatiko.

Thef. V.

§. 1. Causas remotiores constituunt, naturales, non
naturales & præternaturales: Inter naturales [i.] occurrit
temperamentum cholericum atq; sanguineum i. e. calidum
& hu-

& humidum. In biliosis enim atq; sanguineis archæus deprehenditur alacris atq; robustus massaq; sanguinea ut & reliqui humores ad varias œconomix nostræ fermentationes necessarij, facilimâ datâ occasione vitiosè effervescent. (2.) **Ætas:** infantes, adolescentes ac in ætate virili constituti ut plurimum hoc symptomate corripuntur, quia in hisce ætatibus constituti recensitis temperiebus gaudent, præ aliis. [3.] **Anni tempus:** experientia optima rerum magistra nobis indicat vernale atq; autumnale. His enim temporibus corpus humanum ad novam eamq; peregrinam fermentationem valdè est dispositum; & quidem vernali tempore ob spiritus ætherei fortiorem influxum, autumnali verò ob copiosam fructuum horariorum assumptionem.

§. 2. Nonnaturales quoq; suum addunt *Ἰμβάλλου μέγ* : Aër quatenus ebullitionibus corporis humani inservit, eatenus calidior Australis & pluviosus sunt hujus molestiæ auctores, uti Hippocr. monet sect. 3. aphor. 16. quando dicit: *Ἐν μὲν τῇσιν ἐπομβρίησιν γίνεται κοιλίης ῥύσις, καὶ σήπιδόνες*, i.e. Assiduis imbribus ferè fiunt fluxiones alvi, putredines &c.

§. 3. **Cibus & potus**, si nimirum peccant quantitate & utendi modo, gravatur enim ventriculus, gravantur & reliqua viscera, prosternitur digestio ac chylicatio: Præprimis ab ingluvie fructuum horariorum tam maturorum, quàm immaturorum, in his enim succus fermentescens delitescit, qui statim archæum inordinatum reddit: Suscitatur proinde spiritus intestinorum insitus immediatè ad perpetuam egerendi cupiditatem per inferiora. Sic uvæ affatim comestæ digestionem nostram inobedientem reddunt, siquidem ab earum succo musteo ac fermentativo spiritus in corpore nostro tumultuantur, ipsisq; insignes pariunt molestias,

lestias, ex quibus omnis generis tormina, diarrhœæ & consequenter dysenteria subsequi possunt.

§. 4. Potus inordinatus & copiosè assumptus præsertim cerevisia recens neq; satis defœcata, simili modo mustum seu omnis generis succi fructuum expressi, hi enim peregrinam fermentationem suscipientes, fermentum nostri ventriculi transmutant, spiritum ejus innatum dissolvunt, imò quod superest planè corrumpunt.

§. 5. Motus nimius, equitatio, cursus, labores ingentes & qui ebullitiones sanguinis & spirituum conferre solent, in causâ esse possunt.

§. 6. Animi pathemata fomites quoq; sunt; Si quidem commotiones Spirituum humorumq; per iram sæpiusculè movent alvi fluxum. Sic ex mœrore quandam foeminam ob morbum mariti in diarrhœam incidisse, refert Felix Platerus lib. 3. pag. 854.

§. 7. Præternaturales sunt; (1.) mala ventriculi ejusq; fermenti constitutio, unde ciborum fermentatio depravatur, quicquid enim in prima concoctione negligitur, in secunda, vel tertia rarò vel nunquam corrigitur. Quare cibi in liquamen vitiosum abeuntes, non possunt non spiritum intestinorum insitum ad frequentem ac depravatam ejectionem stimulare. (2.) Hepar atq; pancreas à statu naturali declinantia; quatenus in hisce visceribus ob spiritum insitum depravatum, humores justò acriores ac ad ebullitionem præternaturalem proni, elaborantur. (3.) Mesentericæ atq; renales glandulæ, ad liquorem chylosum, lymphaticum ac serosum assumendum negligentiores: quare diarrhœa diuturniore laborantes, ut plurimum emaciantur parumq; mingunt. Hoc expertus est Cl. Dn. Præses in filiola suâ duorum annorum ante semiannum piè defunctâ.

Thes. VI.

§. 1. Placet nunc quædam de differentiis hic addere: Differt enim affectus noster à tenesmo, ratione conatus, quoniam non adeò validus est, ut in tenesmo: Deinde etiam à lienteria, in quâ cibi, quales assumti & deglutiti, iterum copiosè evacuantur. A fluxu coeliaco, dum in hoc alimenta quidem fermentata ac quodammodo immutata egeruntur, ita tamen ut chylus foetibus adhuc sit remixtus. Existit autem semper sine exulceratione, subsequenter excludit dysenteriam: præsupponimus saltim fluxum frequentem & liquidiorum, plus vel minus copiosum.

§. 2. Sic diarrhœa alia est benigna, alia maligna: alia sine, alia cum febre: hæc critica, quæ fit cum naturæ levamine, illa symptomatice atq; perniciosa. Differt & ratione materiæ excretæ, proptereaq; in biliosam, lymphaticam ferolam &c. dispelcitur.

Thes. VII.

§. 1. Signa diagnostica sunt, quæ statum morbi præsentem denotant. Nostri verò symptomatis sunt, murmura ventris, lumborum atq; hypochondriorum, earumq; dolores, hinc Hippocrates non immeritò monet Sect. IV. aph. 73. quando dicit: ὁ νόσισιν ὑποχόνδρια μᾶτέωρα λαβοῦσιν, ὅσφύς αἰγλήμαί τε ἐπιγενομένε, αἱ κοιλίαι τετέεισι καὶ θυγαίνονται. i. e. Quibus sublata hypochondria murmurant, lumborum superveniente dolore, iis alvi humectantur. Uti & liquida, aucta, interdum etiam depravata stercoreum nunc viridum, flaverum, nigricantium, albicantium &c. excretio, mala ventriculi constitutio, in eoq; prava alimentorum digestio

digestio, ructus nidorosi, urina pauca atq; si febris adsit rubicunda &c.

Thes. VIII.

§. 1. Signa prognostica sunt quæ futurum statum seu eventum prælagiunt vel ad salutem vel ad mortem: Diarrhœa itaq; ex se non est periculosa, si modo febris, præsertim maligna absit, purgatur enim corpus à naturâ & quod exitiosum est excernitur, sin verò ultrà septimum diem perdurat, uti Celsus loquitur lib. 4. & superveniunt febriculæ degenerat tûm in symptomaticam, quoniam vires valdè prosteruntur, & consumuntur, præprimis in illis febribus, ubi conjuncta est pleuritis, referente Coo. Sect. 6. Aph. 16. Pleuritide aut peripneumoniâ detento alvi profluvium superveniens, malum. Verbo malignitas si conjuncta est, malum & viceversâ. Ad salutem itaq; tendit diarrhœa, quando excrementa excernuntur naturalibus non valdè dissimilia vel si vires ad tempus prostratæ iterum recolliguntur, nec tormina amplius percipiuntur.

§. 2. Stercora verò nigra, pingvia, livida, aut æruginea, aut malè olentia signa sunt lethalia juxta effatum Hippocr. Sect. 2. prognos. 14. 22. & 23. Inprimis si vires summè sint prostratæ, lubest enim vel febris lenta eaq; colliquativa, vel summa humorum malignitas. Ad mortem enim recensita ejusmodi excrementa, propter subsequenter marasimum cum singultu aliis, malignis symptomatibus tendunt.

Thes. IX.

§. 1. In Diarrhœa benè attendendum num sit critica, an verò in symptomaticam degeneret; Si criticè affe-

Stus noster se exhibeat, non statim sistendus est medicamentis adstringentibus alvi fluxus, ne natura, semetipsam purgando, turbetur ac molestetur: Sin verò perduret ultra tempus legitimum, tunc cohibenda est medicamentis necessariis, ne protrahatur in symptomaticam, cum maxima corporis jactura. Quod si verò in symptomaticam degeneravit diarrhoea quantocyus est compescenda, si nimirum colliquatio atque tabescentia viscerum partiumq; seu virium prostratio apparet, quam lipothymiaè facile consequuntur, ac tandem mors.

§. 2. Cognitis itaq; atq; perspectis quæ ad diarrhoeæ naturā, causas, signa tūm diagnostica tum prognostica pertinent, operæ precium erit, ut remedia, quibus symptoma hoc nostrum, imprimis symptomaticum factum secundum medendi methodum extirpari possit, producamus. Nititur autem laudata medendi methodu tribus indicationibus. I. CURATORIA, quæ proximam cujuslibet affectus causam, tollere jubet. II. PRÆSERVATORIA, quæ causas mediatas & antecedentes alterando aut evacuando avertit: dum ostendit diætā probè observandam applicationemq; medicamentorum, circa causas antecedentes occupatam. III. VITALI, quæ de virium amissarum recuperatione & adhuc præsentium conservatione est sollicita. Hisce indicationibus remedia inservientia desumuntur partim ex fonte pharmaceutico, partim diætetico. Chirurgiam ceu tertium aliàs Medicis decantatum fontem, ad affectus nostri curationem ceu inutilem rectè omittimus, quoniam nec V. S. aut ulla alia operatio chirurgica in affectus nostri curatione invenit locum, nisi quod interdum emplastrum aut cataplasma adstringens simul applicetur.

Thes. X.

§. 1. Fons pharmaceuticus varia remediorum tam internorū quā externorum genera nobis ante oculos ponit : ex quibus summā cum cautelā primò sunt adhibenda quæ humores pravos seu stimulantēs laxando expellunt, simulq; abstergerendi atq; adstringendi virtute prædita, deinde adstringentia, roborantia & quæ spiritū nostrum insitum placare & compescere valent. Evacuātia propinentur ante diem tertium, si verò fluxus alvi diutius duraverit nempe usq; ad diem sextum, septimum vel octavum, tunc neutiquam evacuātia aëgris propinanda sunt, sed potius corroborantia & adstringentia, tunc enim cura extraordinaria est tentanda ob virium diminutionem.

§. 2. Evacuātia hic conducunt leniora atq; simul abstergentia v. g. aloëtica & rhabarbarisata ut sirupus de cichorio cum rhabarbaro, Rhabarb. in substantia atq; inde præparata essentia, Aloës rosata, violata, quoniam medicamenta ejusmodi adstrictionem quandam post se relinquant : quidam hoc in passu laudant agaricum, quærentes in illo adstrictoriam amaritiem, hinc huic medicamento levem adstrictionem tribuunt.

§. 3. Nec vomitoria sunt excludenda, utpotè in hoc passu valdè conducibilia, in primis si nostri symptomatis fomes hæreat in ventriculo, saburram enim vitiosorum humorum in ventriculo latitantium quantocyus exterminant, atq; ex toto corpore eosdem revellunt. Senex propterea noster grandævus Sect. 1. aph. 21. vomitoria non immeritò laudat, per quæ sæpius tota absolvitur curatio, conducunt autem ex g. diligenti pharmacopœi manu benè elaborata.

v. g. ♀. emet. Mynsichti, crocus metallorum ejusq; infusum & alia exinde præparata.

§. 4. Diaphoretica non sunt negligenda, inprimis exsiccantia, acres humores præcipitantia atq; adstrictoria simul virtute prædita, qualia sunt & diaphoreticum, oculi ☿, ebur. sine Δ. præparatum, corall. rubr. fl. ♀. C. C. phil. præparatum. Spiritus furibundos simul demulcent theriac. Andromachi, Diascord. Erac. Mithrid. Laud. opiat. indeq; præparata tinct. anodyna, Fortius adstringunt rad. tormentillæ, bistortæ, myrtilli exsiccati, succus ^{ac}æciæ & hypocystidis, item terrestr. ut terr. sigillata Strigenfis, bol. armena, terr. catechu ejusq; tinctur. sanguis draconis, crocus ꝑtis adstringens, quæ omnia in jusculis vel liquorib; huc aptis v. g. ▷ plantag. burs. pastor. tormentill. &c. propinari queunt.

§. 5. In roboratione ventriculi blandiora ac simul specifica conveniunt aromatica v. g. ▷ cinamomi cydon. menthæ c. v. ☿. ♀. mastich: tinct. cinam. ☿. theriacal. Sir. myrtinus, corallorum, cinamomi, item tinct. corallor. Essent. absynth. NM. pulvis stomachicus Quercetani, tragea stomachica & horum similia.

§. 6. Transmissis internis, descendimus ad externa, quæ suum quoq; symbolum addunt curationi: In hunc finem conveniunt linimenta, unguenta, & emplastra v. g. Ol. mastichis. ☿. NMosch. express. Species arom. rosat. Ol. carminativum Mynsichti, caryophyll. misceantur cum s. q. ceræ virgin. fiat linimentum de quo ægrotorum venter sæpius inungatur. Postmodum emplastra in hoc affectu magni sunt momenti, præsertim si parata sint ex recenti theriacâ, balsamo peruviano & bolo armenâ: in primis de crustâ panis, de mastiche, itemq; emplastrum stomachicum Zwölferi, quæ omnia cum oleis aromaticis malaxanda sunt
ad

ad confortationem ventriculi & intestinorum, eorumq;
regioni imponenda sunt.

§. 7. Non transgredienda sunt cataplasmata, fo-
menta & similia, quoniam quodammodo cœteris paribus
ventriculum, reliquaq; viscera roborant & humores acres
mitigant, in quem usum sequentia laudantur v. g. far. rad.
alth. fol. menth. pulveris, Ol. N Mosch. express. pulv. caryo-
phyl. Zedoar. cum fermento panis q. f. ad applicationem.
Deinde fomenta multum hic præstare queunt, quod Rive-
rius extollit laudibus, centur. 2. observ. 49 qui recipit suffi-
migium ex decocto tapsi barbati in cathedra perforata quo
fluxus ventris maxime cohibitus est: Alii commendant,
flores verbasci, mastich. thus, fl. rosar. rubr & similia.

§. 8. Huc quoq; pertinet clysteres paregorici ac ab-
stergentes ex decocto rad. alth. herb. malv. violarum reli-
quisq; floribus & fructibus cum melle rosarum & vitell.
ovor. vel fiant ex lacte caprino vel decocto hordei, vel jure
carnium, melle & similibus.

Balnea tandem quoq; conveniunt, quæ tamen cautè
usurpanda sunt, fiunt autem ex alumine, vel Δ , vel lacte, in
quo extinctus est chalybs candens &c.

Thes. XI.

§. 1. Restat tandem fons diæteticus, qui consistit in
sex rerum non naturalium rectâ administratione: Cibi ergo
sint εὐπεπτοῖς melioris succi, aliquo modo abstergentes & ad-
stringentes, tenues, ne uno impetu fermentationes lædan-
tur, aliàs malum abit in deterius. Sint etiam pauci & salu-
tares, aliàs si excedant, pariunt insignes ventriculo molestias
reliquisque visceribus: Panis sit triticeus benè fer-
mentatus atq; coctus: carnes potius assatæ quàm elixæ, vi-
tanda quoq; sunt omnis generis pingvia, quæ ventriculum

lubrici

lubricitare solent. Ex avibus seligantur turdi, merulæ, seu columbæ: ex oleribus sint pulres ex oryzâ, milio, ptisana hordeacea seu avenacea: Ex fructibus cydonia cocta, sorba & myrtilli exsiccati: Jonstonius commendat mespila cocta, seu decoctum eorum. Potus ratione quantitatis sit parvus, paucus, ratione qualitatis non adeò frigidus neq; intensè calidus, deinde benè sit defœcatus, abstineant à cerevisiâ Numburgensi: eligendum est vinum rubrum seu stipticum, cum succo acaciæ commixtum. Lac caprinum propinari quidem potest, si febris abest: sin verò affectus conjunctus cum febre, tunc abstinendum est à lacte inquit Hippocr. sect. V. aph. 64. Nos in hoc passu commendamus serum lactis caprini.

§. 2. Eligendus quoq; est aër purus atq; temperatus, nimis frigidus vitandus, quoniam crebrò diarrhœas promovet, transpirationem humorum vitiosorum per cutim tollit: Sit ergò aër moderatè calidus & siccus, ne constitutio corporis abeat in deterius. Animi affectus sunt evitandi, absit tristitia & mœror, præ omnibus hilaritas præferenda est, similiter caveant sibi ægri ab irâ quæ Spiritus humoresq; in corpore nostro ad effervescentiam præternaturalem atq; ferociam instigat.

§. 3. Somnus conciliandus ægris, quo præsentem multa mala subterfugiunt, hinc de profluviiis diuturnioribus per somnum multos liberatos fuisse, quidam Medicorum audacter asserunt. Vigiliæ diutius protractæ cruditates corporis pariunt spiritusq; absumunt, absint motus corporis nimii & violenti, semper tamen quieti studendum: & moderatè coercenda: & sic fluxus alvinus bono cum DEO sisti potest.

SUMMO ARCHIATRO SIT LAUS
HONOR ET GLORIA.



E Ruit effossâ tellure Metallicus
aurum,

Scrutando cryptas, nulli parcendo
labori :

strenuus acquirit sic pondera fulva me-
talli,

pauperiemq³ fugit contemptis usq³ periclis:
BERGMANNUS pariter, docti Patris æ-
mula proles

â Medico pendet solertior ore, medendi
indagans Artem, studiò quam sedulus
omni

tractat : id ostendit Cedrò dignissimus
ausus,

C

Dum

*Dum benè disquirit, quali microcosmica
nifu (da.*

*Et quibz auxiliis veniat cataracta levan-
Macte novâ virtute! Tibi det Caus
honores!*

*Det Gatenus opes! Non est mortale,
quod opto.*

av. 10. ed.

D. GEORG. CHRISTOPH. PETRI

*ab Hartenfels / Com. Pal. Cæs. Med.
Electoral. Mog. & Erffurtensis Ordinarius, Fac.
Med. p. t. DECANUS.*

O Rbis Roma caput, junxit tunc templa Dearum;
*Virtutis, primùm, alterum postea honoris
erat,*

*Quò nulli vendatur honos virtute carenti,
Et virtus oneri digna brabeja daret.*

*Ecce Deam justam cunctisq; laboribus æqvam!
Remunerat doctos, deprimit atq; rudes.*

*Nonne Tibi merito Virtus haud naufraga solvet,
Quod solet in Templo fœnore multiplici?*

Lætifero vultu, dum cinget, tempora lauro.
Hoc tandem fiat. Sic precor ex animo.

Hæc
gratulab. apposuit

PRÆSES.

Scrutator terræ per quævis dura metalli,
Rimatur venas fortiter auriferi,
Et generosus amat trepidanda subire pericla,
Ut prudens arte, & dives honore sciet.
Fallitur interdum vacuus conamine tanto,
Ut sibi nec mundo gratus adesse velit,
Hocce tibi scrutans, minimè contingere credo,
Nam quod sperat habes, nummus honosq; valet
Atq; Deo, patria, tibi, gratus adesse valebis,
Quod Celericalamo gratulor Artis amans.

Ex sincero animo,

VITUS MICHAEL GROPPIUS,

Andisleb.

PResidiij firmo Claritutine Vestri
Nil nocuit tuto grande sophisma
Tibi.

Quan-

*Quando conscendis, Bergmann, tutami-
ne forti*

*Pulpita, num poterunt tela nocere
Tibi?*

*Quin profligabis minitanti tela Sophistæ
Præsidio forti, calliditate tua!*

Benevolentia ergò apposuit

VOLCMARUS VVILH. Staudloß

Ph. & art. med. cultor.

